

Sindicato di aduana protestando contra proceso organisacion

ORANJEPSTAD - Ayera miembronan di Sindicato di Aduana Aruba (SADA) a dicidi di bay cerca Minister di Finansa encarga cu departamento di aduana pa entrega un carta unda ta mostra nan disgusto y inkietud pa cu e proceso di e organisacion di e departamento di aduana.

E duaneronan a reuni dilanti sede di gabinete di Goberna-

dor y nan a bay den direccion di Bestuurskantoor pa manifesta. Dirigenten di SADA tabatin un reunion extraordinario cu minister Bermudez mes diamars ultimo, riba asunto di organisacion.

Dirigenten di SADA a indica cu a base di un decision unanime nan a traha y entrega un carta cerca minister Angel Bermudez, caminda nan a presenta e puntonan

cu e duaneronan ta considera cu a bira un “sumpiña den nan wowonan”. Nan ta wardando riba un contesta di e mandatario pa evalua kico lo bira siguiente paso.

Reaccion di minister encarga

E mandatario a ricibi e carta caminda e ta laga sa cu semper e ta haci su esfuerso pa scucha e miembronan di SADA. El a priminti di contesta e carta

otro siman, caminda e lo reuni cu directiva di SADA. E ta bisa cu berdad tin hopi cambio den e proceso di organisacion di duaneronan. Tambe e minister ta menciona cu a wordo traha un rapport riba e proceso aki cu a wordo actualisa, ya cu tabatin parti aden cu basicamente e no aplicabel mas.

E ta priminti SADA cu a base di e rapport aki unbes cu

aña 2017 habri nan ta bay cuminsa ehecut’e y activa un comision manera ta wordo conseha. “Mi ta consciente cu boso nan cierto momento kier weita cambio. Hopi cambio caba ta pasando den e parti unda boso nan ta eherce boso trabou di container na waf di Barcadera.” Tambe seccion di aduana na aeropuerto ta renobando, y esey ta crea cierto inkietud cerca e personal di aduana.